

Kunjung Hormat Google, BPM KPM & Awantec ke JPWPL



Labuan, 6 Oktober 2025 – Satu sesi kunjung hormat telah diadakan antara Bahagian Pengurusan Maklumat (BPM) Kementerian Pendidikan Malaysia, Google Malaysia, dan Awantec Berhad bersama Jabatan Pendidikan Wilayah Persekutuan Labuan pada hari ini. Kunjung hormat tersebut diketuai oleh Dr Azlena binti Harun, Setiausaha Bahagian, Bahagian Pengurusan Maklumat KPM.

Perbincangan memberi fokus kepada:

- Pelaksanaan dan pengukuhan Dasar Pendidikan Digital (DPD);
- Pemantapan platform DELIMA dan Google Workspace for Education;
- Program AI for Educators dan pensijilan digital guru;

Pihak Google dan Awantec turut menzahirkan komitmen untuk meneruskan kerjasama strategik bersama KPM dan JPWPL dalam memperkasa transformasi pendidikan digital di peringkat negeri.

Sesi ini juga diharap dapat memperkukuhkan kerjasama strategik dalam memperluas inisiatif pendigitalan pendidikan dan memperkasa transformasi ICT di sekolah-

sekolah Wilayah Persekutuan Labuan.

[#jpwpl](#)

[#LabuanBISAI100peratuskitapunya](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)







KEM CENDIKIA AL QURAN PERINGKAT KEBANGSAAN ZON BORNEO TAHUN 2025



Labuan, 7 Oktober 2025 – Kem Cendekia al-Quran telah menghimpunkan penyertaan murid dari tiga buah sekolah menengah yang menawarkan subjek Kelas Khas al-Quran (KKQ) iaitu SM MAIWPL, SMK Ranche-Ranche dan SMK Mutiara.

Seramai 246 murid Tingkatan 1 hingga Tingkatan 3 terlibat dalam kem ini dengan diiringi oleh Guru KKQ sekolah masing-masing. Kem Cendekia Al Quran diadakan di Dewan Darul Kifayah, dengan SMA MAIWPL selaku sekolah pengelola.

Menariknya, program ini dilaksanakan secara hibrid, berlintas langsung daripada SMK Benoni Papar melibatkan penyertaan dari tiga wilayah iaitu Sabah, Sarawak dan Wilayah Persekutuan Labuan. Kem ini diselaras oleh Ustaz

Mohd Fadzli Sheikh Abdul Rahim, Urus Setia Sektor Pendidikan Islam, yang memainkan peranan penting dalam memastikan kelancaran dan kejayaan penganjuran program ini.

Dalam ucapan perasmianya, Pengarah Bahagian Pendidikan Islam, Kementerian Pendidikan Malaysia, menzahirkan rasa syukur atas penganjuran program yang menyatukan murid KKQ dari pelbagai negeri dalam satu wadah ilmu dan tarbiah.

Beliau menegaskan bahawa Kem Cendekia al-Quran bukan sekadar platform hafazan atau bacaan semata-mata tetapi medan membina pemikiran Qurani, akhlak mulia serta kepimpinan berasaskan nilai al-Quran.

Beliau turut menyeru agar murid KKQ menjadi cerminan akhlak al-Quran di sekolah dan masyarakat, manakala guru pula terus memainkan peranan sebagai murabbi dan qudwah hasanah dalam membimbing generasi Qurani.

Beliau menutup ucapannya dengan harapan agar kem ini melahirkan Cendekiawan al-Quran yang berilmu, berakhlak dan berjiwa dakwah – generasi yang mampu berfikir dengan hikmah, beramal dengan ilmu, dan menyebarkan kebaikan di mana sahaja mereka berada.

Moga al-Quran terus menjadi cahaya penerang dalam kehidupan dan sumber kekuatan untuk membina generasi Madani yang berjiwa Rabbani.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)





KURSUS KEJURULATIHAN AKAR UMBI 2025



Labuan, 4 Oktober – 30 peserta sertai Kursus Kejurulatihan Akar Umbi 2025 yang dianjurkan oleh Persatuan Bola Sepak Sabah (SAFA) dengan kerjasama Kelab Marlin FC dan PTPS Bola Sepak MSSWPL.

Kursus itu yang berlangsung selama tiga hari bermula 2 Oktober lalu diadakan Kompleks Sukan Labuan.

Pengerusi pengelola Ramlae Abd Rashid zahir rasa syukur kerana kursus ini berjaya dilaksanakan.

Beliau yakin bahawa kejayaan kursus ini akan memberi impak yang besar kepada pembangunan bola sepak di Labuan.

Majlis penutupan kursus dirasmikan oleh Penolong Pengarah Sektor Pembangunan Murid JPWP Labuan, Ak Mohd Fitri Awangku Kalong. Dalam ucapannya, beliau mengucapkan tahniah dan terima kasih kepada SAFA sebagai penganjur serta kelab MARLIN FC dan PTPS Bola Sepak MSSWPL atas kerjasama yang erat.

Dalam pada itu, kursus ini telah dikendalikan oleh Jurulatih Educator Zahiruddin Amiruddin dari FAM dan dibantu oleh Jurulatih Roney Asmadul Bakar dari SAFA.

Sementara itu, penganjuran kursus ini bertujuan

meningkatkan pengetahuan dan kemahiran kejurulatihan di kalangan peserta. Di samping menggalakkan pengembangan bakat muda dalam sukan bola sepak. Selain itu, memberikan peserta teknik dan strategi terkini dalam kejurulatihan.

Pihak penganjur berharap penganjuran kursus ini dapat melahirkan lebih ramai jurulatih berkualiti yang mampu membimbing generasi akan datang dalam sukan bola sepak serta meningkatkan mutu permainan di Labuan.

[#beslabuan](#)

[#beritalabuan](#)

Sumber Berita : FB BES Labuan











LIBAT URUS KARNIVAL HADIS 40 IMAM NAWAWI DAN INOVASI PENDIDIKAN TAHUN 2025



Labuan, 7 Oktober 2025 – Sesi Libat Urus Karnival Penghayatan Hadis 40 Imam Nawawi dan Inovasi Pendidikan Peringkat Wilayah Persekutuan Labuan Tahun 2025 telah berlangsung dengan jayanya di Bilik Mesyuarat Botanikal.

Majlis ini telah menghimpunkan barisan jawatankuasa pelaksana daripada sekolah Showcase Hadis 40, bersama SK Bukit Kalam selaku jawatankuasa hiasan pentas, dalam usaha memperkemas persiapan dan penyelarasan program secara menyeluruh demi memastikan penganjurkan karnival berjalan lancar dan berimpak tinggi.

Taklimat utama telah disampaikan oleh Ustaz Syahnnon Othman, Penolong Pengarah Unit Adab dan Nilai, Sektor Pendidikan Islam, yang telah memberikan penerangan terperinci berkenaan aturcara pelaksanaan, pembahagian bidang tugas, serta strategi pelaksanaan yang menyeluruh dan sistematik.

Karnival ini dijadualkan berlangsung selama tiga hari, bermula 9 Oktober hingga 11 Oktober 2025, dengan pelbagai aktiviti menarik yang dirancang bagi menyemarakkan penghayatan terhadap Hadis 40 Imam Nawawi serta memperkasa inovasi pendidikan. Antara aktiviti yang bakal berlangsung termasuk:

- Pertandingan Nasyid
- Dai Cilik
- Minbar Dai
- TikTok Challenge
- Hadis 40@School

Penganjuran karnival ini diharap dapat menjadi platform berkesan dalam menyuburkan nilai-nilai murni, memperkukuh kefahaman hadis dalam kalangan murid, serta mencetuskan kreativiti dan inovasi dalam pendidikan.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)







**MESYUARAT JAWATANKUASA
TATAKELOLA (JTK) JABATAN
PENDIDIKAN WILAYAH
PERSEKUTUAN LABUAN BILANGAN
3 TAHUN 2025**



LABUAN, 30 September 2025 – Mesyuarat JTK JPWP Labuan Bil.3 Tahun 2025 yang telah dipengerusikan oleh YBr. Encik Yahya bin Ahmad Puteh, Pengarah Pendidikan W.P. Labuan bertempat di Bilik Persidangan, Mahkamah Syariah W.P. Labuan.

Mesyuarat tersebut telah dihadiri seramai 46 orang ahli

Mesyuarat yang terdiri daripada Pegawai Pengurusan Tertinggi Jabatan Pendidikan W.P. Labuan serta Pengetua dan Guru Besar sekolah di W.P. Labuan.

Selain itu, Mesyuarat pada kali ini turut menjemput YM. Tengku Addidudin Shah bin YM. Tengku Aristonsyah, Penolong Pengarah Kanan, Unit Integriti Kementerian Pendidikan sebagai pembentang.

[#jpwpl](#)

[#7TeraskPM](#)

[#MalaysiaMADANI](#)









KEM FITRAH KASIH SEKOLAH RENDAH 2025: Menyemai Nilai Ibadah dan Jati Diri Murid



Labuan, 4 Oktober 2025 – Kem Fitrah Kasih Sekolah Rendah telah berlangsung dengan jayanya di Auditorium Masjid Jamek An Nur, WP Labuan, melibatkan penyertaan seramai 62 murid Tahun Enam dari tiga buah sekolah bantuan kerajaan: SK St Anne, SJKC Chi Wen, dan SJKC Chung Hwa.

Program ini dikelolakan oleh SK St Anne dengan kerjasama jawatankuasa dari sekolah-sekolah terlibat serta sokongan tiga jurulatih dakwah negeri iaitu ustazah Nur Salma Syafikah Sahaluddin dan ustazah Nur Nazihah Hanapi daripada SMK Lajau manakala Ustazah Norlinda Suhut daripada SK Sungai Bedaun.

Antara pengisian utama Kem Fitrah Kasih SR ialah slot pemantapan solat yang dikendalikan oleh Ustaz Syahnon Othman serta latihan tasmik bacaan solat secara berkumpulan yang memberi ruang kepada murid untuk memperbaiki bacaan dan memahami maksud solat dengan lebih mendalam.

Kem turut menampilkan slot kesedaran Salah Laku Gangguan Seksual yang disampaikan oleh ASP Dzulkiflee Emmanuel

Abdullah dari Ibu Pejabat Polis WP Labuan yang bertujuan meningkatkan kefahaman murid terhadap isu keselamatan diri dan hak sebagai kanak-kanak.

Salah satu aktiviti yang mencuri perhatian ialah Flip Bottle Quiz di mana peserta diuji dengan soalan kuiz berkaitan solat secara interaktif sambil mengasah kemahiran berfikir dan semangat berpasukan. Aktiviti ini berjaya mencetuskan keterujaan dan suasana ceria sepanjang kem berlangsung.

Sebagai penghargaan, seramai 15 orang peserta terbaik telah dipilih menerima anugerah atas penglibatan aktif dan pencapaian cemerlang sepanjang program.

Majlis penutupan telah disempurnakan oleh Ketua Penolong Pengarah Sektor Pendidikan Islam, Ustazah Kamariah Salim dan turut dihadiri oleh Guru Besar SK St Anne, Mr Julius Voon yang menyampaikan ucapan penghargaan kepada semua pihak yang terlibat.

Secara keseluruhannya, kem ini berjaya memupuk nilai sahsiah, memperkukuh amalan ibadah serta menyemai semangat perpaduan dalam kalangan murid pelbagai latar belakang selaras dengan aspirasi pendidikan berteraskan nilai Malaysia Madani.

[#jpwpl](#)

[#7TerasKPM](#)


[#MalaysiaMADANI](#)

[#PendidikanManusiawi](#)

[#TaatSetia](#)











Bengkel Pembentangan Draf Pelan Strategik Pendidikan W.P. Labuan 2025-2030



KOTA KINABALU, 1 Hingga 3 Oktober 2025 – Jabatan Pendidikan Wilayah Persekutuan (W.P.) Labuan telah berjaya menganjurkan **Bengkel Pembentangan Draf Pelan Strategik Jabatan Pendidikan W.P Labuan 2025-2030** yang berlangsung selama tiga hari, bermula dari 01 hingga 03 Oktober 2025. Bengkel penting ini diadakan di **The Klagan Hotel, Kota Kinabalu, Sabah** sebagai platform utama untuk memuktamadkan rangka kerja strategik pendidikan wilayah tersebut untuk tempoh lima tahun akan datang.

Bengkel ini dipengerusikan oleh **Tuan Yahya bin Ahmad Puteh, Pengarah Pendidikan Jabatan Pendidikan W.P Labuan** menandakan komitmen jabatan dalam menetapkan hala tuju yang jelas dan berkesan bagi pembangunan pendidikan di Labuan. Kehadiran beliau membuktikan keseriusan pihak pengurusan tertinggi dalam memastikan pelan strategik yang dirangka adalah holistik, relevan, dan dapat memberi impak positif kepada seluruh warga pendidikan W.P. Labuan.

Pelan Strategik 2025-2030 ini dijangka akan menjadi dokumen panduan utama dalam melaksanakan inisiatif-inisiatif pendidikan selaras dengan visi dan aspirasi pendidikan kebangsaan, khususnya dalam konteks W.P.

Labuan. Ia merangkumi aspek-aspek kritikal seperti peningkatan pencapaian murid, pembangunan profesionalisme guru, pemerkasaan infrastruktur digital dan fizikal, serta pengukuhan jalinan kerjasama dengan pihak berkepentingan.

Sesi pembentangan draf pelan strategik telah memberi ruang kepada perbincangan mendalam mengenai pelan tindakan, petunjuk prestasi utama (KPI), dan peruntukan sumber yang diperlukan. Peranan **Sektor Perancangan Jabatan Pendidikan W.P Labuan** sebagai Urusetia bengkel amatlah penting dalam memastikan kelancaran sesi dan pengumpulan maklum balas secara tersusun.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)









Karnival Kebolehpasaran Murid Berkeperluan Pendidikan Khas (MBPK)



Johor Bahru, 27 Hingga 28 September 2025 – Karnival Kebolehpasaran Murid Berkeperluan Pendidikan Khas (MBPK) adalah program tahunan Kementerian Pendidikan Malaysia (KPM) yang bertujuan memberi pendedahan kepada murid Pendidikan Khas dalam bidang kemahiran, kreativiti, inovasi dan bakat seni. Pada tahun 2025, karnival ini telah berlangsung pada 27 hingga 28 September 2025 bertempat di Toppen Shopping Centre, Johor Bahru, Johor.

Kontinjen Wilayah Persekutuan Labuan telah mengambil bahagian dalam beberapa acara pertandingan yang dianjurkan antaranya Pertandingan Nyanyian Solo, Pertandingan Dekorasi Kek, Pertandingan Anyaman Kreatif Tudung Saji, Pertandingan Aerodance, Pertandingan Inovasi Kemahiran, Pertandingan Reruai Kemahiran dan Pertandingan Poster Digital.

Penyertaan kesinambungan Kontinjen Wilayah Persekutuan Labuan dalam Karnival Kebolehpasaran MBPK 2025 telah mencapai objektif utama iaitu memberi ruang dan peluang kepada murid pendidikan khas memperlihatkan bakat serta kebolehan masing-masing. Semangat kesukanan, kreativiti, keyakinan

diri dan daya saing yang ditonjolkan menjadi bukti bahawa MBPK juga mampu berdikari, berdaya cipta dan berdaya saing di peringkat kebangsaan.

Adalah diharapkan pengalaman ini dapat dijadikan pendorong kepada murid, guru serta semua pihak dalam usaha meningkatkan kebolehpasaran MBPK pada masa hadapan.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)





BENGKEL PENGURUSAN PELUPUSAN DOKUMEN KEWANGAN PERINGKAT JABATAN PENDIDIKAN WP LABUAN



KOTA KINABALU, 3 OKTOBER 2025 – Seramai **39 orang Pembantu Tadbir** dari Jabatan Pendidikan dan sekolah-sekolah di Wilayah Persekutuan Labuan telah menyertai **Bengkel Pengurusan Pelupusan Dokumen Kewangan Peringkat Jabatan Pendidikan WP Labuan** yang berlangsung selama tiga hari, bermula dari **1 hingga 3 Oktober 2025**.

Bengkel yang diadakan di **The Klagan Hotel, Kota Kinabalu** ini bertujuan untuk memberi pendedahan dan kefahaman mendalam kepada para peserta berhubung **prosedur dan tatacara pelupusan dokumen rasmi kewangan** yang betul mengikut undang-undang dan piawaian yang ditetapkan.

Pendedahan ini amat penting bagi memastikan semua rekod kewangan diuruskan dengan cekap, telus, dan mematuhi garis panduan pelupusan yang dikeluarkan oleh pihak berkuasa.



Kolaborasi Arkib Negara dan Bahagian Akaun KPM

Bagi memastikan maklumat yang disampaikan adalah tepat dan terkini, Jabatan Pendidikan WP Labuan telah menjemput penceramah pakar daripada dua agensi utama. Penceramah jemputan terdiri daripada wakil **Arkib Negara Malaysia (ANM) Negeri Sabah / WP Labuan** dan juga **Bahagian Akaun, Kementerian Pendidikan Malaysia (KPM)**.

Kolaborasi ini membolehkan peserta memahami bukan sahaja aspek perundangan dan penyimpanan rekod dari perspektif ANM, tetapi juga tatacara pengurusan rekod kewangan yang spesifik dalam konteks KPM.

Lawatan Sambil Belajar ke ANM





Selain sesi ceramah dan perbincangan, peserta juga turut dibawa melawat ke **pejabat Arkib Negara Malaysia Negeri Sabah / WP Labuan**. Lawatan ini memberi peluang keemasan kepada para peserta untuk **melihat sendiri dan mempelajari secara praktikal** bagaimana proses pelupusan dokumen kewangan itu dijalankan secara terperinci.

Pendedahan secara langsung ini diharapkan dapat memperkasakan peserta dengan kemahiran praktikal yang diperlukan untuk melaksanakan tugas pelupusan dokumen kewangan di jabatan dan sekolah masing-masing dengan lebih berkesan dan teratur apabila mereka kembali ke Labuan.

Bengkel ini dijangka akan memberikan impak positif yang signifikan dalam meningkatkan kualiti pengurusan rekod

kewangan di Jabatan Pendidikan WP Labuan, sekaligus memastikan pematuhan dan kecekapan dalam pentadbiran kewangan awam.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)

BENGKEL LANJUTAN KUMPULAN INOVATIF & KREATIF (KIK) PERINGKAT WP LABUAN 2025



Labuan, 29 September 2025 – Penceramah jemputan, Dr. Hyginus Lester Junior, membuat penilaian awal terhadap

setiap pembentangan. Setiap kumpulan menerima maklum balas dan cadangan penambahbaikan secara terus.

Pembentangan Mock oleh Kumpulan yang terpilih. Sesi Refleksi & Rumusan bengkel. Perbincangan secara kolektif tentang penambahbaikan berterusan dan strategi ke arah pertandingan KIK peringkat yang lebih tinggi.

Objektif Bengkel:

1. Memberi ruang kepada kumpulan KIK untuk menambah baik bahan pembentangan mereka secara profesional dan terarah.
2. Meningkatkan kefahaman peserta terhadap elemen penilaian projek inovasi dan kreativiti.
3. Mendapat bimbingan dan semakan kritikal daripada pakar dalam bidang inovasi bagi meningkatkan kualiti penyampaian dan impak projek.

Matlamat:

1. Melahirkan kumpulan inovatif dan kreatif yang berdaya saing di peringkat kebangsaan melalui bimbingan berkualiti dan pendedahan profesional.
2. Menyokong inisiatif transformasi pendidikan melalui amalan inovasi yang menyelesaikan masalah sebenar di peringkat sekolah dan organisasi.
3. Menjadikan Wilayah Persekutuan Labuan sebagai salah satu contoh kecemerlangan inovasi pendidikan.

[#jpwpl](#)

[#7TerasKPM](#)

[#MalaysiaMADANI](#)

[#PendidikanManusiawi](#)

[#TaatSetia](#)

